



Inatsisartunut ilaasortaq,
Jens NapätôK'
Maani/

§ 37 naapertorlugu aalisarneq pillugu apeqqummut nr. 210-2025-imut akissut

18-12-2025

Suliap normua: 2025 - 25872
All. nr. 26038988

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarneq pillugu inatsimmut tunngasumik apeqquteqarputit. Apeqqut suliassaqaqfigisannit akineqartussanngorlugu innersuunneqarpoq.

Postboks 269

3900 Nuuk

Oq. (+299) 34 50 00

Fax. (+299) 34 63 55

E-mail: apn@nanoq.gl

www.naalakkersuisut.gl

- 1. Aalisartut piniartullu sumiiffinni aalisarfiuallaanngitsuni juulli sioqqullugu aningaasarsiorsinnaajunnaarsimasunut ikiorsiissutissanik Naalakkersuisut qanoq tigussaasunik iliuuseqapallanniarpat?**

Ad 1) Aqutsiveqarfinni tamani sinerissap qanittuani qalerallinniarlunilu saarullinniarsinnaaneq matoqqatinneqarani periarfissaavoq. Qallukkat ugguuna malinnaaffigisinnaavatit www.qfik.gl.

Aalisartut piniartulluunniit silap allanngornera pissutigalugu piniarsinnaasimannikkunik aalisarsinnaasimannikkunilluunniit Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinnermik ingerlataqartut aallarteqqinnissamut tapiiffigineqartarnerat pillugu inatsisartut inatsisaannik Namminersorlutik Oqartussat nalunaarutaat nr. 20, 28. februar 2025-meersoq naapertorlugu aallarteqqinnissamut tapiiffigineqarnissamik qinnuteqarsinnaapput.

- 2. Aalisartut pissutsit namminneq aqussinnaanngisatik pissutigalugit – ilaatigut umiatsiat pisoqaanerusut uuttortarnissaat, CVR imaluunniit normunik serieqanngitsunik ajornartorsiuteqarneq pissutigalugu aalisartut ukiup nikinnerani akuersissummik annaasaqannginnissaat Naalakkersuisut qulakkeerniarpaat?**

Ad 2) Tusagassiutit aqutigalugit 18. november 2025 nalunaarutigineqartutut aalisartut angallatimik nalunaarsortinnissaanik CVR-imuulluunniit nalunaarsorsimalernissamik suliamik sulii aallartitsisimannigitsut akuersissut pigisartik annaannaviannigilaat. Aalisartut 31. december nallertinnagu pisarneq malillugu akuersissummik qinnuteqarsinnaapput. 1. januar 2026-p kingorna akuersissummik pissarsiniartut nalunaarsortinnissamik suliap aallartissimanera uppersartariaqartassavaat.

Imarsiornermut aqutsisoqarfik tassunga atatillugu nalunaarpoq angallatip angissusaata nalunaarsorsimaffia allagartaaluunniit uppersaatit allat tigusimannikkaluallugit nalunaarsorneqarnissamik qinnuteqartoqarsinnaasoq. Uppersaatit tamakku Imarsiornermut aqutsisoqarfik isumaqatigiissuteqarfigalugu kingusinnerusukkt

nassiunneqarsinnaapput. Nalunaarsorneqarnissamik suliap aallartissimanera qinnutigisimaneraluunniit uppersarsarsinnaagaanni akuersissummik pissarsisoqarsinnaavoq. Tusagassiutitigut nalunaarut uani takusinnaavat: [Kalaallit Nunaanni umiatsiaaqqanik nalunaarsuineq](#)


Imarsiornermut aqutsisoqarfik Uummannamut, Ilulissanut Aasiannullu paasisitsiniaalluni novembarimi angalasimavoq ilaatigullu kommunini inuussutissarsiornermut siunnersortinik umiatsiaaqqanik nalunaarsuinerit pillugit ataatsimeeqateqartarsimallutik. Inuussutissarsiornermut siunnersortinik piffissami aggersumi qarasaasiaq aqutigalugu ataatsimeeqateqaaqqinnissaq pilersaarutaavoq.

Umiarsiaararsortunut aalisarsinnaanermut akuersissutissat pillugit tusagassiuutinut nalunaarut kingulleq uvani takuneqarsinnaavoq:
https://naalakkersuisut.gl/Nyheder/2025/12/1612_licensudstedelser?sc_lang=kl-GL

3. Naalakkersuisut teknikikkut allaffissornermillu ajornartorsiutit aaqqinneqarnissaata tungaanut aalisartut inuussutissarsiutiminnik ingerlatitseqqissinnaaqqullugit immikkut akuersissuteqarniarpat imaluunniit akuersissummik atuutsitsinerat sivitsorniarpaat?

Ad 3) Piffissap ikaarsaariarfiusussap immikkut akuersissuteqarfigisinnaanissaa sivitsorneqarsinnaanissaaluunniit Aalisarnermut inatsit naapertorlugu periarfissaqanngilaq apeqqummili 2-mi erseqqissaatigineqartutut nalunaarsortissimanissamik piumasaqaatit qinnuteqaatinut 1. januar 2026-p kingorna nassiunneqarsimasunut kisimi atuutsinneqartussaapput. Tassunga tunngatillugu erseqqissaatigineqassaaq akuersissutit amerlanersaat 1. januar nallertinnagu tunniunneqartarmata.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq